

BIBLIOTEKA

Zakł. Nar. im. Ossolińskich


XVI 3156


MF

Neuere Leistung

1555.

VIII. H. 40.





Regim. 4. Ref. *22*

Neuwe Zeytung / vnd
Warhafftē Bekand-
nuß des Christlichen Glaubens/
auff dem Landtag zu Piotrkow
durch die gesandten des
Königreichs Polen.

Geschehen auff den dritten tag Mäij/
Anno M. D. L v.



XVI. Qu. 3156

Artickel der Bekandtnuß des
Christlichen Glaubens / geschehen auff dem
Landtag zu Piottkow durch die gesand-
ten des Königreichs Poln / den drit-
ten Maij / M. D. LV.

Wir menschen alle zu-
mal sind inn sünden empfan- psalm. 50
gen vnnnd aller menschlich ver- Johan. 1.
stand ist gleichsam finsternuß / vnnnd 9.
dermassen das wir weder Gott / noch vns er-
kennen können. Derhalben hat Gott die zehen
gebot des gesetzes gegeben / das darauff vnser
dunckele augen auffgerhan / vñ erleuchtet wer
den / vnd wir darauff menschliche schwachheit
erkennen. Rom. 3.
Galat. 3.

Gott der vatter hat vns seinen eingebornen
Sohn gesandt zu vnserm Meyster / Heylandt
vnd gnügthung. Mat. 11.
Johan. 1.
Corri. 10.

Niemandt hat Gott ye gesehen / auch hat in
menschliche weisheit nit erkandt. Johan. 1.

Darumb ist Christus kommen / das er vnns
den Vatter / vnd seinen willen offenbarte.

So ist nun Christus das Liecht der welt /
wer dem nachuolgt / vnd von seinem wort nit
abweicht / der wandelt im ewigē liecht. Diesen
Johan. 1.
vnnnd 8.

A u allain

allein hat vns der ewig Herr der welt / als vn-
sern Lehrer / vnnnd Meister zu hören befolhen.
Sintemal er als Gottes Son nit liegen kan /
vnd alle die nicht durch sein wort regiert wer-
den / ob sy schon die mechtigsten / vnnnd weisse-
sten leüt auff erden seind / so seind sie doch alle
zügleich lügner.

Der selbig hat vns alles eröffnet / was das
ewige heyl belangt / on in köndte kein mensch
Acto. 10. Gottes zorn versünen. Disem geben alle Pro-
pheten zeügknus / das die an den Son glau-
ben / selig seyen.

Diser allein macht vnns frey von Gottes
zorn / Dann mit vnseren wercken verdienen
Acto. 4. wirs nicht. Auch ist nichts vnder dem himel /
das vns selig mache könne / on Er allein.

Hierauf volgt / das wölchem anderen das
Heil vnd gebührender rhüm zügelegt wirt / on
allein Christo / dem wirs vnrecht zügnessen /
dann solchs ist ein Gottes lesterung.

Diser Son Gotes hat das verdienst seines
leydens denen so seinem wort glauben / züge-
eygnet durch das Euangelium (wölches jeder
man soll in seiner müter sprach geprediget wer-
den) vnd durch die H. Sacrament nemlich
die H. Tauffe / vnnnd durch die niessung seines
Leybs vnnnd Blüts / so zur vergebung vnserer
sünden vergossen ist.

Inn Sacramenten ist vns des Herren Te-
stament versigelt. Wer nun solches endern
darff/der ist verflücht.

Vnd derhalben werden wir niergend an-
derstwa kein Sacrament finden / dann wa
Gott sein wort dran ghesstet hat. Dann men-
schen sagungen / so nit mit dem wort stymen/
seind Abgötterey / sonderlich wenn sie an Got-
tes stat gesetzt werden.

Weiter haben wir auch die auß Christi ge-
bott geleernet / das man Gott den vater allein
anbetten solle / welcher allein der herzkündiger
ist / vñ kein Creatur sollichs vermag. So ha-
ben wir auch das gebott im alten gesetz: Wer
einen anderen Gott anbettet / on disen / der soll
getötet werden.

Wir habē keinen andern miter / vñ vertre-
ter bey disem Got / on allein Jesum Christum.

Hierauß ist klar / das sich Gott inn seinem
wort / nit an Gözen oder Bilder binden laßt.

Die 5. Sacrament / Tauff vñnd Abent-
mal des Herren bringen vns / so wir glauben/
vergebung der sünden inn Christo. Ober dise
haben die Christen keine andere Sacrament.

Es seind wol noch andere Götliche ord-
nungen mehr / als der Westand / Vesterigung
der Kirchendiener / aber dise bringen vns nicht

A iij vergabung

vergebung der sünden/dann sy seind in gerin-
gerer würde/vñ achtung/wiewol wir solche
auch nit verachten.

Wir geben nicht zu/das man für die toten
opfern solle. Den haben sie Got bey irem lebē
erkennt vñ geprüffen/wie sie solten/so seind sie
selig/wa nit/so seind sie verdampt. Ales vñ
vigilien/vñ ander der gleichen narienwerck
werden sie nichts helffen künden.

Hieruon zeüget vns Gottes wort: Wer inn
den Son glaubt/der kompt nit inns gericht/
wer aber nicht glaubt/der ist schon gericht.

Paulus verbeut vns sorgfältig zu sein vber
denen/die entschlaffen seind.

Solang wir in diser zeyt leben/ists gewis/
das wir einander mit gebett vñ rath behülff-
lich sein mögen. Aber wenn wir für den richter
stül Christi kommen werden / da wirdt weder
Job noch Daniel/noch Noe für vnns bitten/
sonder ein yeder wirt seine aygen last tragen.

Augustinus: Sie wirt das leben verloren
oder erhalten. Sie werden wir zum ewigen
heil/durch rechten Gottesdienst / vnnd ware
frucht befürdert. Aber nach disem leben ist kein
erbaum mehr zur Büsse noch einige krafft der
gnügthung. Nirgends ist kein gelegenheyt
sich zu bessern/dan in disem leben. Sintemal
nach

nach diesem leben ein yeder empfahen wirdt/
darnach er in diesem leben gestrebet hat.

Erstlich heilt die allgemaine Christlich kirch
laut Göttlichs worts/ den glauben vom reich
der himeln/darvon wie gsagt/ aufgeschlossen
ist/wer nit getaufft wirdt.

Zum andern glaubt sie ein hellisch feur / da
aile abtrinnigen/oder so den glauben an Chri-
stum nit haben/pein vnd qual fühlen.

Vom drittē aber/wissen wir nichts. Ja wir
wissen auch auß h. schrifft/das es nichts seye.

Die bekandnuß vnnsers glaubens halten
wir das aller heiligste wort Gottes vnd seine
gebott sein.

Aber von menschenatzungen/redet Got al-
so/ vergeblich dienen sie wir mit solchen gebot-
ten/die nur menschen gesetz seind. Item/ Ein
yede pflanzung die nit mein hymilischer Vater
gepflanzt hat/ würdt außgereüttet werden.

Erstlich auß Polnischer sprach zū Latein
gemacht/hernach aber auß dem
Latein verteütsch.

Getruckt zū Straßburg bey
Thieboldt Berger.

1871
The following is a list of the
names of the persons who have
been elected to the office of
Deputy Secretary of the
Board of Education for the
year 1871.

1872
The following is a list of the
names of the persons who have
been elected to the office of
Deputy Secretary of the
Board of Education for the
year 1872.

1873
The following is a list of the
names of the persons who have
been elected to the office of
Deputy Secretary of the
Board of Education for the
year 1873.

1874
The following is a list of the
names of the persons who have
been elected to the office of
Deputy Secretary of the
Board of Education for the
year 1874.



1875
The following is a list of the
names of the persons who have
been elected to the office of
Deputy Secretary of the
Board of Education for the
year 1875.

1876
The following is a list of the
names of the persons who have
been elected to the office of
Deputy Secretary of the
Board of Education for the
year 1876.

1877
The following is a list of the
names of the persons who have
been elected to the office of
Deputy Secretary of the
Board of Education for the
year 1877.



